



Reykjavík, 21. febrúar 2020
USK2020010051
0.0


Borgarráð Reykjavíkur
Tjarnargötu 11
101 Reykjavík

Hér með sendist útskrift úr gerðabók umhverfis- og heilbrigðisráðs frá 19. febrúar 2020 varðandi eftirfarandi mál.

Svar við fyrirspurn áheyrnarfulltrúa Flokk fólksins um hvort hundaeftirlit hjá Heilbrigðiseftirliti Reykjavíkur borgi leigu fyrir aðstöðu fyrir hundageymslu

Lagt fram erindi skrifstofu borgarstjórnar dags. 3. febrúar 2020 um fyrirspurn áheyrnarfulltrúa Flokks fólksins - R20010132, um hvort hundaftirlit hjá Heilbrigðiseftirliti Reykjavíkur borgi leigu fyrir aðstöðu fyrir hundageymslu og svar Heilbrigðiseftirlits Reykjavíkur dags. 10. febrúar 2020.

F.h. Heilbrigðiseftirlits Reykjavíkur


Árný Sigurðardóttir

Fylgiskjal: erindi skrifstofu borgarstjórnar dags. 3. febrúar 2020 og svar Heilbrigðiseftirlits Reykjavíkur dags. 10. febrúar 2020

Svar Heilbrigðiseftirlits Reykjavíkur (HER) um fyrirspurn áheyrnarfulltrúa Flokks fólksins lögð fram í borgarráði þann 30. janúar 2020, málsnúmer R20010132 varðandi hvort hundaeftirlitið borgi leigu fyrir aðstöðu fyrir hundageymslur.

Spurt er hvort hundaeftirlitið borgi „leigu fyrir aðstöðu fyrir hundageymslur“. Hundaeftirlitið greiðir kostnað til rekstaraðila dýrageymslu Reykjavíkurborgar einungis þegar hundar eru vistaðir þar og innheimtir síðan geymslugjaldið hjá viðkomandi hundeiganda finnst hann eða ef vitað er hver hann er. Ekki er greidd föst leiga fyrir ákveðinn búrafjölda eins og áður.

Spurt er um innri leigu Umhverfis- og skipulagssviðs á húsnæði að Borgartúni 12-14. Gjaldfært er á hundaeftirlit vegna innri leigu húsnæðisins í réttu hlutfalli við starfsmannafjölda, nákvæmlega eins og aðrar rekstrareiningar sviðsins. Heildarfjárhæð leigunnar má sjá á heimasíðu borgarinnar.

Enn og aftur er spurt um í hvað hundagjöldin fara og er HER ljúft og skylt að svara því enn og aftur. Gjöldin fara í að standa undir rekstri hundaeftirlitsins eins og samþykkt um hundahald í Reykjavík kveður á um og heimild er fyrir í lögum um hollustuhætti og mengunarvarnir nr. 7/1998. Við ákvörðun gjalda er farið að þeim reglum sem gilda um þjónustugjöld sbr. auglýsingu umhverfis- og auðlindaráðuneytisins nr. 254/1999 og öll þjónustugjöld HER miðast við.

Flokkur fólksins spyr hvort kvörtun HRFÍ til umboðsmanns Alþingis árið 1994 sé gleymd. Ekki er alveg skýrt við hvað er átt með spurningunni. Álitid er í fullu gildi enda ekkert í því sem er tilefni til athugasemda við rekstur hundaeftirlits hjá HER. Bent á að á þeim tíma, sem álitid var gefið út, var verið að setja stjórnýslulög, allt verklag stjórnýslustofnanna í endurskoðun og kröfur um gagnsæi urðu sífellt meiri. Jafnframt hafa reglur um hvað megi setja í þjónustugjöld verið settar gagnvart heilbrigðiseftirlit í landinu eins og marg oft hefur komið fram. Ítrekað hefur verið sýnt fram á lögmati gjaldtöku HER vegna hundaeftirlits miðað við gildandi reglur á hverjum tíma.

Að öðru leyti vill HER taka fram og leiðrétta það sem virðist útbreiddur misskilningur að lög og reglur sem gilda um hundaeftirlit séu tilbúnaðar starfsfólks hundaeftirlits HER. Heilbrigðisnefndir á hverjum stað ráða til sín starfsfólk hverju sinni til að framfylgja settum lögum, reglugerðum og samþykktum sem taka til lögboðinna verkefna heilbrigðisnefnda. Það er nefndanna og starfsfólks nefndanna sem starfa í þeirra umboði að framfylgja regluverkinu og svo annarra að fara að því í þessu tilfelli hundeigenda. Lög í landinu eru sett af Alþingi, reglugerðir af ráðuneytum og heilbrigðissamþykktir, eins og samþykkt um hundahald í Reykjavík, af viðkomandi heilbrigðisnefnd. Athugasemdir við gildandi reglur og það sem betur mætti fara í þessum efnum, skal beina til réttara aðila þannig að mögulega náist fram lagfæringar eða úrbætur, þar sem þörf er á. Einnig er skal tekið fram að í mörg ár hefur HER bent á leiðir til einföldunar er varðar dýraeftirlit almennt.

Núverandi borgaryfirvöld eru með í samstarfssamningi sínum ákvæði um að endurskoða nógildandi reglur um dýrhald í borginni og er stýrihópur að störfum sem fer yfir málaflokkinn í heild sinni. Þangað er hægt að beina hugmyndum um úrbætur á hundaeftirliti í borginni sem og til undirritaðrar, sem kemur þeim fúslega á framfæri við stýrihópinn.

Reykjavík, 10. febrúar 2020

Árný Sigurðardóttir, framkvæmdastjóri